

ELKARTEAREN ESTATUTUAK

IZENA ETA LEGE-ARAUBIDEA

1. artikulua. - Irabazi-asmorik gabeko ASOCIACIÓN DE AFICIONADOS Y ACCIONISTAS DE LA REAL SOCIEDAD REALSOCIALISMO! REALEKO ZALETU ETA AKZIODUNEN ELKARTEA izeneko elkarte apolitikoa eratu da, Elkartzeko Eskubidea arautzen duen martxoaren 22ko 1/2002 Lege Organikoan eta Eusko Legebiltzarrak onartutako Euskadiko Elkarteei buruzko ekainaren 22ko 7/2007 Legean ezarritakoaren arabera eta Euskal Herriaren Autonomia Estatutuaren 9. eta 10.13 artikuluetan azaltzen denarekin bat etorritz.

Elkartea arau hauen mende egongo da: aipatutako elkarteei buruzko legeak, estatutu hauek (legearen aurkakoak ez badira), elkartearen gobernu-organoek behar bezala hartutako erabakiak (legearen edota estatutuen aurkakoak ez badira) eta Eusko Jaurlaritzak onesten dituen erregelamenduzko xedapenak (azken horiek osagarriak izango dira).

ELKARTEAREN HELBURUAK

2. artikulua.- Hona Elkarte honen **HELBURUAK**:

a) Real Sociedad de Fútbol, SAD (aurrerantzean, KLUBA)-en arlo sozial, instituzional eta ekonomikoaren inguruan Interes publikoa sustatzea beste talde, kirol erakunde edo esparrutako eredu eta ideien bitartez.

b) KLUBAren kudeaketa profesionala, gardena eta parte-hartzailea modu antolatuan defendatu, administrazio kontseiluaren jarduera eta kudeaketa, sozietatearen jarduerak eta batzar orokorrak aprobaturako erabakiak betetzen direla kontrolatu eta ikuskatuz.

c) KLUBAren ahalmen ekonomiko eta pertsonala maximizatu gobernu organuetatik, etorkizuna, arrakasta eta egonkortasuna bermatze aldera.

d) KLUBAk zale, bazkide eta akziodunei eskaintzen dizkien zerbitzuen esperientzia hobetzen laguntzea, bai KLUBAk parte hartzen duen kirol ikuskizunei dagokionez, baita erabiltzaile-hornitzaile harremana emango den beste edozein testuingurutan ere.

e) Kirolaren eginkizun soziala bultzatu, batik bat gizarteratzea, emakume eta gizonezkoen arteko berdintasuna eta gatazken konponbideari dagokionez.

f) KLUBAren eta Elkartearen kideen arteko harremana estutu, KLUBAren eta zaleen arteko zubi bihurtu eta Elkartek hartzen dituen erabakien berri KLUBAri zein kudeatzaileei, eta KLUBAren funtzionamendu egokian interesa duen eragile sozial orori eman.

g) KLUBAren gobernu eta administrazio organuekin lan egin, zaletuen begiradarekin egindako proiektuak aztertuz, planifikatuz eta aurrera eramanez.

h) KLUBAren kudeaketan parte hartu, jabe, usufuktudun ala lagapen-hartzaile moduan akzioek ematen duten eskubideetaz baliatuz.

i) KLUBeko akzioak batu edo/eta sindikatu legediak ahalbidetzen duen eta KLUBeko estatutuek galarazten ez duten eskubide guztiak erabilera bateraturako, akzioen erosketa eta jabetza barne.

Helburu horiek lortzeko, **JARDUERA HAUEK** egingo dira, ezarritako legezko betekizunak bete ondoren:

a) Diru bilketa.

b) Kideak erakartzea.

c) Elkartearen helburuekin zerikusia duen txosten, analisi edo beste edozein material sortzea, hedabideetan edo kanal propioen bitartez zabaltzeko.

d) KLUBeko akziodun txikien, bazkideen eta zaleen interesak defendatuko duten eta hauen parte-hartzea KLUBean sustatuko duten iritzi korronteak bideratu eta antolatu, aurrez aurreko jarduera eta ekintza birtualen bitartez.

e) KLUBAren eta bere zaleen onerako izango diren proiektu eta jarduera ekonomiko, kultural, kirol-jarduera eta hezkuntza-jarduerak aztertu, diseinatu eta bultzatu.

f) Gure zalegoan joko garbiaren aldeko arauak sustatu beste zalegoekin koordinatuta, kirolaren eginkizun soziala bultzatuz.

g) Estatutu hauen 2. artikuluan jasotzen diren helburuak betetzeko Elkartearen izenean egingo den beste edozein jarduera.

Aurreko paragrafoan azaldutako jarduerak gorabehera, elkarteak, bere xedeak betetzeko, honako hauek egin ahalko ditu:

- Helburuak betetzeko edo horretarako baliabideak biltzeko era

guztietako jarduera ekonomikoak gauzatu.

- Era guztietako ondasunak edozein tituluren bidez eskuratu eta eduki, eta mota guztietako egintzak eta kontratuak egin.
- Nolanahiko ekintzak burutu, betiere legeekin eta Estatutuekin bat etortzekotan.

HELBIDE SOZIALA

3. artikulua.- Elkarte honen egoitza helbide honetan egongo da: Donostia-San Sebastián, Pedro Egaña kalea, 5. zenbakia; 3 DR solairua. Kode Postala 20006.

Elkartek, Batzar Orokorrak hala adosten badu, beste egoitza batzuk eduki ahal izango ditu Autonomi Erkidegoan.

LURRALDE EREMUA

4. artikulua.- Elkarteak batez ere Gipuzkoako lurralde historikoan garatuko ditu bere funtzioak, Estatu mailan eta nazioartean zabalpena izan dezaketelarik.

HIZKUNTZAK

5. artikulua.- Elkarteak koofizialak diren bi hizkuntzak erabiliko ditu bere komunikazioetan.

IRAUPENA ETA IZAERA DEMOKRATIKOA

6. artikulua.- Elkarteak iraunkorra izateko eratu da, eta VI. kapituluan esaten den bezala ezohiko batzar orokorrean hartutako erabaki bidez baino ezingo da desegin, edo legeetan aurreikusitako arrazoiren batengatik.

Elkartearen funtzionamendua eta barne-antolamendua demokratikoa izango da, eta pluraltasuna erabat errespetatuko da. Erabat deusezak izango dira elkartzeko oinarritzko eskubidearen alderdietako edozein betetzen ez duten itunak, estatutu-xedapenak eta erabakiak.

BIGARREN KAPITULUA

AGINTE- ETA ADMINISTRAZIO-ORGANOAK

7. artikulua.- Elkartearen agintea eta administrazioa kide anitzeko organo

hauen esku egongo da:

- Bazkideen Batzar Orokorra izango da organo gorena.
- Zuzendaritza Batzordea izango da kide anitzeko zuzendaritza-organoa iraunkorra.

BATZAR OROKORRA

8. artikulua.- Batzar Orokorra bazkide guztiek osatzen dute, eta organo honen bidez adierazten dira bazkideen nahiak.

Batzar Orokorraren ahalmenak:

- a) Elkartearen jarduera-plan orokorra onartzea.
- b) Urteko kontuak eta hurrengo ekitaldiko aurrekontua aztertu eta onartzea.
- c) Zuzendaritza Batzordearen kudeaketa onartzea.
- d) Estatutuak aldatzea.
- e) Elkartea desegitea.
- f) Presidentea, idazkaria, diruzaina eta kide anitzeko aginte-organoko gainontzeko kideak –horrelakorik baleude– izendatzea eta kargutik kentzea; eta horiek guztiak ikuskatu eta kontrolatzea.
- g) Beste elkarte batzuekin batera federazioak eta konfederazioak osatzea, edota horietatik ateratzea.
- h) Ondasun higiezinak erabili edo besterentzeko erabakiak hartzea.
- i) Aginte-organoko kideei ordaindu egin behar zaiela erabakitzea, hala komeni bada.
- j) Kuota arruntak eta bereziak ezartzea. Ahalmen hori, hala ere, Batzar Orokorrak aginte-organuari eskuordetu diezairoke horretarako bereziki hartutako erabakiaren bidez.
- k) Bazkideak behin betiko kanporatzeko erabakia hartzea.
- l) Beste organo sozialen bati esleitu gabeko beste edozein eskumen.

- 9. artikulua.-** Batzar Orokorra ohiko eta ez-ohiko saioetan bilduko da.
- 10. artikulua.-** Batzar Orokorrak gutxienez urtean behin egin beharko du ohiko bilkura, 8. artikuluko a), b) eta c) idatz-zatietan zehaztutako erabakiak hartze aldera.
- 11. artikulua.-** Hala ere, Batzar Orokorra balio osoz eratuta geratuko da edozein gai jorrazteko, aurretiko deialdirik gabe, kide guztiak bertan badaude eta aho batez onartuko balute bilera ospatzea.
- 12. artikulua.-** Batzar Orokorra Zuzendaritza Batzordeak erabakitzen duenean bilduko da ezohiko bilkuran, bere ekimenez edota bazkideen % 25ek eskatu duelako. Bilkura eskatzeko arrazoiak eta helburuak azaldu beharko dira, baina, nolana ere, honako gaiak aztertze eta erabakitzeko bilduko da:
- a) Estatutuak aldatzea.
 - b) Zuzendaritza Batzordeko kideren bat edo batzuk kargu-gabetzea.
 - c) Elkartea desagitea.
- 13. artikulua.-** Batzar Orokorra biltzeko deialdiak idatziz egin behar dira, eta bilkuren tokia, eguna eta ordua adierazi beharko dira, bai eta gai-zerrenda ere, eztabaidatuko diren gaien aipamen zehatzarekin. Deialdia egiten denetik bilkura lehen deialdian egiteko ezarritako egunaren artean gutxienez 14 egun pasatu beharko dira. Hala badagokio, bigarren deialdiaren data eta ordua ere adieraz daitezke. Dena dela, deialdi batetik bestera gutxienez ordu erdiko tartea utzi beharko da.

Batzar orokorrak –ohikoak nahiz ezohikoak– deialdian balio osoz eratuta geratuko dira lehenengo deialdian, botoa emateko eskubidea duten bazkideen herena bertaratzen bada; eta bigarren deialdian, botoa emateko eskubidea duten bazkideen kopurua edozein dela ere.

- 14. artikulua.-** Batzar Orokorraren erabakiak gehiago soilz hartuko dira, hau da, bertaratuen nahiz ordezkatuena baiezko botoak ezezkoak baino gehiago direnean. Dena den, bertaratutakoen edo ordezkatuetakoen gehiago osoa ala kualifikatua Estatutu hauetako 15, 16 eta 17. artikuluetan azaltzen diren erabakiak hartzeko:
- 15. artikulua.-** Zuzendaritza Batzordeko kide bat kargutik kentzeko bertaratu direnen edo ordezkatuta daudenen gehiago absolutua beharko da.
- 16. artikulua.-** Hurrengo erabakietarako, bertaratu direnen edo

ordezkatuta daudenen bi herenen gehiengoa beharko da:

- a) Estatutuak aldatzea.
- b) Ordezkaritza-organoko kideei ordaintzea.

17. artikulua.- Hurrengo erabakietarako, bertaratu direnen edo ordezkaturata daudenen lau bostenen gehiengoa beharko da:

- a) Elkartea desegitea.
- b) Ondasunak erabili edo besterentzea.

18. artikulua.- Bazkideak bere eskubideak erabili ahal izango ditu batzar orokorrean, modu fisikoan edo ordezkartzaren bitartez.

Batzar Orokorrerako deialdian, bazkideek eskubide hauek erabiltzeko izango dituzten Zuzendaritza Batzordeak Batzar Orokorraren garapen txukunerako aurreikusi dituen epeak eta moduak azalduko dira.

Bazkideek beste edozein bazkideri eman ahalko diote beraiek ordezkatzeko ahalmena batzar orokorretan. Dokumentu publikoren batean ez balego, ordezkartza Batzar Orokorrerako izan beharko du.

Ordezkaritza hori batzordeko idazkariak saioa hasi baino berrogei eta zortzi ordu (48) lehenago eduki beharko du, eta espreski jasoko da zein puntuetarako eta zer bozkarekin ematen den ordezkartza, abstenituz agindurik ez bada eta egungo legedia errespetatuz, beti ere.

Edonola ere, bazkide bakoitzak beste bazkide baten ordezkartza eduki ahalko du.

ZUZENDARITZA-BATZORDEA

19. artikulua.- Zuzendaritza Batzordea da Batzar Orokorraren xedapen eta zuzentarauei jarraikiz elkarrearen interesak kudeatzen eta ordezkartzen dituen organoa. Bazkideek baino ezingo dute osatu ordezkartza-organoa.

Zuzendaritza Batzordea osatuko dutenak honakoak izango dira:

- Lehendakaria.
- Lehendakariorde bozeramailea.
- Idazkari-diruzaina.

- Batzorkideak (2-5).

20. Artikulua.- Zuzendaritza Batzordeko kideren bat bilera horietara bi aldiz jarraian, edo, tarteka hiru aldiz agertzen ez bada, dagokion kargua utzi egin beharko du, hutsegite horiek ez baditu arrazoitzen.

21. artikulua.- Batzar Orokorrak hautatuko ditu Zuzendaritza Batzordeko kargudunak. Kargu horiek **BI URTERAKO** izendatuko dira, Batzordeak berariaz baliogabetu ezean, eta kargudun berbera behin eta berriro hautatu ahal izango da. Hala ere, agintaldia amaitu eta hurrengo Batzar Orokorrean erantzunkizun zibilaren deskarga egin arte, ez dira erantzunkizun horietatik libre geratuko.

22. artikulua.- Pertsona fisikoek zein pertsona juridikoen ordezkariak baldintza hauek bete beharko dituzte Zuzendaritza Batzordeko kideak izateko:

- a) Adin nagusikoa izatea, eskubide zibil guztien jabe izatea, eta indarrean dauden legeetan ezarritako bateraezintasun-arrazoirik ez izatea.
- b) Estatutuetan aurreikusitako moduan izendatua izatea.
- c) Erakundeko bazkidea izatea.
- d) Real Sociedad de Fútbol, SADeko organigrama ofizialaren parte ez izatea.

23. artikulua.- Zuzendaritza Batzordeko kide izateko, lehendabizi, Batzorde Orokorrak izangaia hautatu behar du, eta, gero, izendatu horrek kargua onartu behar du.

Zuzendaritza Batzordeko kideen dieta eta gastuak ordaintzea erabaki dezake Batzar Orokorrak.

24. artikulua.- Zuzendaritza Batzordeko kideek beren kargua utziko dute honelakorik gertatuz gero:

- a) Agintaldia bukatzen denean.
- b) Dimititzen dutenean.
- c) Bazkide izateari uzten diotenean, edo kargua betetzeko ezintasun-arrazoiak dituztenean.
- d) Estatutu hauetako 17. artikulua aplikatuz, Batzar Orokorrak kargua baliogabetzea erabakitzen duenean.
- e) KLUBeko organigrama ofizialaren kide izendatua izatea.
- f) Hiltzen badira.

Bestalde, a) idatz-zatian agertzen dena baldin bada kargua uzteko arrazoia, Zuzendaritza Batzordeko kideek jardunean jarraituko dute lehenengo batzar orokorra egin arte, asko jota, hurrengo hiru (3) hilabeteetan. Batzar horretan aukeratuko dira kargudun berriak.

Halaber, b), c), d), e) eta f) idatz-zatietan agertzen dena baldin bada arrazoia, hutsik gelditutako kargua betetzeko norbait behin-behingo izendatuko du Zuzendaritza Batzordeak, eta Batzar Orokorrak erabakiko du izendapena onetsi ala ez. Ezetsi egiten badu, behar diren kargu-izendapenak egingo ditu.

Organo honen osaeran egiten diren aldaketa guztien berri emango zaio Elkartearen Erregistroari.

25. artikulua.- Estatutu hauek ezartzen duten bideetatik lehendakari, lehendakariorde-bozeramaile eta idazkari-diruzain karguak bete gabe geldituko balira, lau asteko epean ospatu beharko den ezohiko Batzar Orokorrerako deia egingo da. Aipatutako karguren bat libre geratuz gero, batzorkideek hartuko dituzte ardurak bere gain Batzorde Orokorrak hautatu arte.

26. artikulua.- Hona Zuzendaritza Batzordearen eginkizunak:

- a) Elkartearen eguneroko kudeaketaz arduratzea, Batzar Orokorraren jarraibideekin bat etorri eta haren kontrolpean.
- b) Elkarteak aurrera eramango dituen ekintzen egitaraua egitea.
- c) Gastu eta sarreraren urteko aurrekontua eta aurreko urteko kontuen egoera-orria Batzar Orokorrari aurkeztea, hark onar ditzan.
- d) Batzar Orokorraren bileretako gai-zerrendak egitea, eta ohiko nahiz ezohiko batzar orokorretarako deialdiak egitea erabakitzea.
- e) Bazkideek egiten dituzten proposamen eta iradokizunei erantzutea eta horien inguruan hartu beharreko neurriak hartzea.
- f) Estatutu hauetako aginduak interpretatzea eta Estatutuetako hutsuneak betetzea, betiere elkartearen inguruan indarrean dauden legeekin bat etorri.
- g) Batzar Orokorrak berariazko erabakien bidez ematen dizkion eskumenak erabiltzea, betiere ez badira haren eskumen eskusibokoak.

27. artikulua.- Zuzendaritza Batzordearen bilkurak presidentek erabakitzen duen bakoitzean egingo dira, nahiz bere ekimenez nahiz edozein batzordekide eskatuta. Bilkurako buru presidentea izango da, eta hura ez balego, presidenteordea; eta bi horien faltan, batzordekide

zaharrena.

Batzordeak hartutako erabakiak baliozkoak izateko, biltzen diren batzordekideen gehiengoak aldeko botoa eman behar du. Horretarako, gutxienez batzordekideen kopuruaren erdiak egon beharko du bilkuran. Berdinketarik egonez gero, presidentearen kalitateko botoa izango da erabakiko duena.

Idazkariak bilera-aktak egingo ditu, eta akta horiek gero dagokion liburuan transkribatuko dira.

ZUZENDARITZA BATZORDEKO KIDEAK

PRESIDENTEA

28. artikulua.- Presidenteak elkartearen legezko ordezkaritza hartzen du. Zuzendaritza Batzordeak eta Batzar Orokorrak hartutako erabakiak aurrera eramango ditu. Era berean, aipaturiko bi sail horien presidente izango da.

29. artikulua.- Presidenteari egokituko zaizkio hurrengo ahalmenak:

- a) Zuzendaritza Batzordeak eta Batzar Orokorrak egiten dituzten bileren deiak egitea; bilerak bukatutzat ematea; bileretan sortzen diren eztabaidak zuzentzea; eta boto-berdinketa gertatuz gero, boto ebazleaz erabakitzea.
- b) Elkartearen ekintzen egitasmoa Zuzendaritza Batzordeari proposatzea, eta aldi berean, elkartearen zereginak bultzatu eta zuzentzea.
- c) Balioz erabakitako ordainketak egiteko agintzea.
- d) Sortu daitezkeen premiazko arazoak konpontzea, eta Zuzendaritza Batzordeari lehenengo bilkuran horien berri ematea.
- e) Elkartearen gorengo ordezkaritza bere gain hartzea kanpoko norbanako zein erakundeen aurrean eta, era berean, hauekiko komunikazioaz arduratzea.
- f) Batzar Orokorrak bere gain espreski adostutako eskumenak aurrera eramatea, haren eskumen eskusiboak ez badira.

Era beran, Elkartearen izenean irekitako banku-kontuekin Estatutu hauetan onartutako beste organuekin modu solidarioan lan egiteko ahalmena izango du, bederatziehun laurogeita hemeretzi euro eta laurogeita hemeretzi xentimotik (999,99) gorako ordainketa eta kobratzetan ezik. Hauetarako baimendutako bi pertsonen sinadura erkidetua beharko da.

PRESIDENTEORDEA

30. artikulua.- Presidenteorde bozeramaileak presidenteari lagunduko dio, eta presidenteak aldi baterako ezintasuna daukanean, ordezkatu egingo du. Era berean, Elkarteko bozeramailea izango da eta presidenteak berariaz eskuordetzen dizkion ahalmen guztiak izango ditu.

Era beran, Elkartearen izenean irekitako banku-kontuekin Estatutu hauetan onartutako beste organuekin modu solidarioan lan egiteko ahalmena izango du, bederatziehun laurogeita hemeretzi euro eta laurogeita hemeretzi xentimotik (999,99) gorako ordainketa eta kobratzetan ezik. Hauetarako baimendutako bi pertsonen sinadura erkidetua beharko da.

IDAZKARI-DIRUZAINA

31. artikulua- Idazkari-Diruzainari dagokio, zehazki, elkartean sartzeko eskabideak jaso eta izapidetzea, fitxategia eta Bazkideen Erregistro Liburua zaintzea, eta Akta Liburuaren zaintzaren eta idazketaren ardura izatea.

Era berean, elkarteen arloan indarrean dauden legezko xedapenak betetzeaz arduratuko da, erakundearen agiri ofizialak zainduz, elkartearen liburuen eta artxiboen edukia egiaztatuz eta Zuzendaritza Batzordeko izendapenen eta egoitza sozialaren aldaketen berri emateko egin beharreko jakinerazpenak eginez agintari eskudunari.

Egindako diru-sarrera eta ordainketen berri emango du, eta diru-sarrera eta gastuen urteroko aurrekontua eta aurreko urteko kontuen egoera ere jakinaraziko du. Horiek guztiak Zuzendaritza Batzordeari aurkeztu beharko dizkio, eta honek Batzar Orokorrari, hark onartu ditzan. Elkarteko kontu-ikuskariekin harremanen ardura bere gain egongo da, beharrezkoa den informazio ekonomikoa erraztearren.

Era beran, Elkartearen izenean irekitako banku-kontuekin Estatutu hauetan onartutako beste organuekin modu solidarioan lan egiteko ahalmena izango du, bederatziehun laurogeita hemeretzi euro eta laurogeita hemeretzi xentimotik (999,99) gorako ordainketa eta kobratzetan ezik. Hauetarako baimendutako bi pertsonen sinadura erkidetua beharko da.

BATZORKIDEAK

32. artikulua.- Batzordekideek beren karguei datxezkien funtzioak izango dituzte, Zuzendaritza Batzordeko kideak diren aldetik (elkarteren zuzendaritza eta kudeaketa arrunta), baita Presidenteak berak eskatzen dizkienak ere).

HIRUGARREN KAPITULUA

BAZKIDEAK: ONARTUAK IZATEKO BALDINTZA ETA PROZEDURAK, ETA BAZKIDE-MOTAK

33. artikulua.- Elkartekide izan nahi eta baldintza hauek betetzen dituzten pertsona guztiak izan daitezke elkarteko bazkide:

- Adin nagusikoa edo adingabe emantzipatua izatea, norberaren eskubideak erabiltzeko inolako lege-baldintzaren menpe ez egotea eta ebazpen judizial irmoaren bidez eskubideen erabilera mugatuta ez edukitzea.

Pertsona juridikoak direnean, eskumena duen organoak bere baitan hartutako erabaki baliiodunaren kopia aurkeztu beharko dute, eta bertan adierazi bai elkartzeko borondatea, bai beren izenean arituko denaren izendapena.

34. artikulua.- Elkartean sartu nahi duenak idatziz aurkeztu beharko du bere eskabidea, bi bazkidek sinatuta eta presidenteari zuzenduta. Presidenteak eskaeraren berri emango dio Zuzendaritza Batzordeari, eta azken horrek erabakiko du eskabidea egin duena elkartean onartu ala ez. Erabakiaren aurkako gorako errekurtsioa jar dazioke Batzar Orokorrari.

BAZKIDEEN ESKUBIDEAK ETA BETEBEHARRAK

35. artikulua- Bazkidetutako pertsona guztiek eskubide hauek dituzte:

- a) Elkarteei buruzko Legearen edo Estatutuen kontrako erabaki eta jardunak inpugnatzea, inpugnatutako erabakiaren edukia ezagutu duten edo ezagutzeko aukera izan duten egunetik egutegiko 40 eguneko epean.
- b) Elkarteren gobernu- eta ordezkaritza-organoen osaerari, elkarteren kontu-egoerari eta elkarteren jardueri buruzko informazioa jasotzea.
- c) Elkarteko beste bazkideen nortasuna, diru-sarreraren eta gastuen egoera, eta elkarteren ekintzen garapenaren berri edozein unetan izatea, datu pertsonalak babesteko arautegian aurreikusitako

moduan.

- d) Batzar orokorretarako deiak jasotzea, batzar orokorretara joan eta hitz egin eta botoa emateko eskubidea erabiltzea, eta eskubide hori beste bazkideren baten esku utzi ahal izatea.
- e) Elkartearen Estatutu hauen arabera, elkarteko zuzendaritza-organoetan parte hartzea eta organo horietarako hautatzaile nahiz hautagai izatea.
- f) Indarrean dauden legeetan zehaztutako bazkideen fitxategian agertzea, eta elkartearen ikurra, baldin badu behintzat, erabiltzea.
- g) Estatutuen eta, egonez gero, barne-araudiaren ale bana edukitzea, eta zuzendaritza-organoei eskakizunak eta kexak aurkeztea.
- h) Talde-ekintza sozialetan parte hartzea, eta bazkideentzako tresnak erabiltzea (elkartearen egoitza, liburutegiak, eta abar).
- i) Bazkideari diziplinazko neurriak ezarri aurretik, bazkideak idatziz adierazitakoa kontuan hartzea eta neurri horiek hartzea eragin duten arrazoiei buruzko azalpenak jasotzea. Neurriak hartzeko arrazoiak bazkideei dagozkien betebeharrak ez betetzean soilik oinarritu daitezke.
- j) Edozein unetan baja ematea. Hala ere, hartu bai baina bete gabe dituzten konpromisoak bete beharko dituzte.

36. artikulua.- Hona bazkideen betebeharrak:

- a) Elkartearen helburuekin bat etortzea eta helburu horiek betetzen laguntzea.
- b) Kuotak, derramak eta Estatutuen arabera bazkide bakoitzari dagozkion bestelako ekarpenak ordaintzea.
- c) Estatutuetatik eratorritako bestelako betebeharrak betetzea.
- d) Elkarteko zuzendaritza-organoek baliotasunez hartutako erabakiei men egin eta erabaki horiek betetzea.

BAZKIDE IZATEARI UZTEA

37. artikulua.- Bazkide izaera honelakoren bat gertatuz gero galduko da:

- a) Bazkidea hiltzen bada (edo, pertsona juridikoen kasuan, desegiten bada).
- b) Bazkidea bere borondatez joaten bada.
- c) Honelako egoeraren bat gertatzen bada: estatutu hauetatik ondorioztatutako betebeharrak modu larriz ez betetzea, behin eta berriz, eta nahita, edo gauza bera gertatzea Batzar Orokorrak edo Zuzendaritza Batzordeak hartutako akordio balioudunei dagokienez.

ZIGOR-ARAUAK

38. artikulua.- Bazkideek behin eta berriz hausten badituzte Estatutuak edo Batzar Orokorrak nahiz Zuzendaritza Batzordeak hartutako erabakiak, Zuzendaritza Batzordeak bazkide horiek zigortu ahal izango ditu.

15 egunetik hilabetera eskubideak kentzetik hasi eta elkartetik betiko kanporatzera arteko zigorra ezar daiteke, ondorengo artikuluek adierazitako moduan.

Horretarako, zigorgarriak izan daitezkeen jokabideak aztertzeko ikerketa egin dadila erabaki dezake presidenteak. Ikerketaren instruktorea idazkaria izango da, eta berak proposatuko dizkio Zuzendaritza Batzordeari hartu beharreko neurriak.

Zigorra ezartzeko ahalmena Zuzendaritza Batzordeak izango du, idazkariak ez du horretan parte-hartzerik izango (instruktorea delako), eta zigorra ezarri aurretik interesdunari entzunaldia eskainiko zaio. Zigortzeko erabakia arrazoitu egin beharko da beti, eta erabaki horren aurkako errekurtsua jarri ahalko zaio Batzar Orokorrari.

39. artikulua.- Bazkideren batek elkartetik kanporatua izateko moduko ustezko egintzaren bat egiten badu, hau da, Estatutuotatik eratorritako betebeharrak eta Batzar Orokorrak edo Zuzendaritza Batzordeak baliotasunez hartutako erabakietan ezarritako betebeharrak nahita eta larriki behin eta berriz hausten baditu, gertaeren berri izatearren, presidenteak idazkariari agindu diezaioke aurretiazko eginbide zehatz batzuk egin ditzala, behar den informazioa jasotzeko. Eginbide horiek ikusita, presidenteak erabaki dezake jarduerak artxibatzeko agintzea edo elkartetik kanporatzeko zigor-espedienteari hasiera ematea.

40. artikulua.- Elkartetik kanporatzeko zigor-espedientea hasten bada,

idazkariak, gertakariak egiaztatu ondoren, idatzi bat bidaliko dio interesdunari, leporatzen zaizkion karguen berri emateko. Kargu horiei erantzuteko, interesdunak bere aldeko arrazoiak azaldu ahal izango ditu hamabost eguneko epean. Epe hori amaituta, edonola ere, Zuzendaritza Batzordearen lehenengo bilkurako gai-zerrendan sartuko da kasua, eta batzordeak hartuko du erabakia. Erabakian ez du botorik izango espedienteko instruktorea izan den idazkariak.

Elkartetik kanporatzeko erabakia interesdunari jakinaraziko zaio, eta, era berean, hurrengo ezohiko batzar orokorrean errekurtsioa aurkez dezakeela azalduko zaio. Hiru hilabeteren barruan batzarririk egiten ez bada, batzar bat egin beharko da horretarako bakarrik. Bitartean, Zuzendaritza Batzordeak inputatuari bazkide-eskubideak etetea erabaki ahal izango du, eta Zuzendaritza Batzordeko kide bada, kargu hori utzarazi beharko dio.

Batzar Orokorrari kanporatzeko espedientea aurkeztuz gero, idazkariak espedientearen laburpena egingo du, Zuzendaritza Batzordeak interesdunak aurkeztutako idatziaren eta egintzen berri zehatza Batzar Orokorrari eman ahal izateko, azken horrek dagokion erabakia har dezan.

41. artikulua.- Kanporatzeko erabakia arrazoitu egin beharko da beti, eta erabaki hori interesdunari jakinarazi beharko zaio. Interesdunak, eskubideaz baliatuz, auzitegietara jo ahal izango du bere ustez erabakia legearen edo Estatutuen aurkakoa bada.

42. artikulua.- Bazkideren bati kanporaketaren berri ematerakoan —berak nahi izanda edo zigorra ezarri zaiolako— bete gabe dituen betebeharrak bete ditzala eskatuko zaio.

LAUGARREN KAPITULUA

SORTZE-ONDAREA ETA AURREKONTU-ARAUAK

43. artikulua.- Elkartearen **HASIERAKO ONDAREA MILA LAUREHUN** (1.400) eurokoa da. Ondarea bazkide sortzaile bakoitzak jarritako berrehun (200) euroz osatzen da.

44. artikulua.- Elkartearak, bere jarduerak aurrera eramateko, diru-baliabide hauek aurreikusten ditu:

a) Ondare-ekarpenak.

b) Erabakitzen diren aldizkako kuotak.

c) Elkartearen ondasun eta eskubideetatik datozen emaitzak, eta legez

jasotzen dituen diru-laguntzak, legatuak eta dohaintzak.

- d) Zuzendaritza Batzordeak Estatutuen helburuak lortzeko egin beharrekotzat jotzen dituen jarduera zilegietatik datozen diru-sarrerak.

ELKARTEAREN EKITALDIA ETA EKITALDI EKONOMIKOA urte betekoa izango da, eta urte bakoitzeko **abenduaren 31an** itxiko da.

Jarduera ekonomikoak gauzatuz (zerbitzuak ematea barne) elkarteak lortzen dituen irabaziak bere helburuak betetzeko baino ez dira erabili beharko. Inola ere ezingo dira bazkideen artean banatu, ez eta haien ezkontideen edota haiekin antzeko afektibitate-harremanean bizi diren pertsonen artean eta haien senideen artean ere. Ezingo zaizkie, halaber, irabazteko asmoa duten pertsona juridiko edo fisikoei doan laga.

BOSGARREN KAPITULUA

ESTATUTUAK ALDATZEA

45. artikulua.- Estatutuak aldatzea espreski horretarako deitutako bazkideen ezohiko batzar orokorrean erabaki beharko da. Zuzendaritza Batzordeak hiru bazkidek osatutako idazkari-diruzaina buru izango duen batzorde-txostengile bat izendatuko du, aldaketa-egitasmoa idazteko. Bazkiderik aurkeztuko ez balitz batzorde berezi honetara, Zuzendaritza Batzordeak aurkeztu beharko du aldaketa proposamena ezohiko Batzar Orokorraren aurrean.

46. artikulua.- Aldaketa-egitasmoa epe barruan idatzi eta gero, presidenteak Zuzendaritza Batzordearen hurrengo bilkurako gai-zerrendan sartuko du. Zuzendaritza Batzordeak egitasmoa onartuko du, edo, bestela, lantaldeari itzuliko dio, berriz aztertu dezan.

Onartua izanez gero, Zuzendaritza Batzordeak egiten den hurrengo batzorde orokor ezohikoaren gai-zerrendan sartzea erabakiko da.

47. artikulua.- Batzarrerako deiarekin batera, Estatutuetako aldaketen testua bidaliko da, bazkideek egoki iruditzen zaizkien zuzenketak Idazkaritzan aurkeztu ahal izateko. Zuzenketa horiek Batzar Orokorrari helaraziko zaio, batzarra egin baino zortzi egun lehenago jaso badira Idazkaritzan.

Zuzenketak banaka nahiz taldeka egin daitezke, idatziz, eta aukerako beste testu bat izan beharko dute. Zuzenketak bozkatu ostean, Batzar

Orokorrak Estatutuak aldatzeko erabakia hartuko du, eta Elkartearen Erregistro Orokorrean inskribatzen denetik aurrera baino ez du eragina izango beste hirugarrenengan.

SEIGARREN KAPITULUA

ELKARTEA DESEGITEA ETA ELKARTE-ONDAREAREN ZERTARAKOA

48. artikulua.- Elkartea honelako kasuetan ezabatuko da:

- a) Bazkideek hala nahi dutelako. Nahi hori horretarako bildutako ezohiko batzar orokorrean azaldu beharko da.
- b) Estatutuetan finkatutako epea edo baldintza bete delako.
- c) Beste elkarte batek xurgatu duelako edo beste elkarte batzuekin bat egin duelako.
- d) Legez ezarritako gutxieneko bazkide-kopururik ez duelako.
- e) Epai irmo batek elkartea desegitea agintzen duelako.
- f) Elkartearen helburuak betetzea ezinezkoa delako.

49. artikulua.- Elkartea deseginez gero, horixe erabakitzen duen batzar orokor ez-ohikoak Batzorde Likidatzaile bat izendatuko du, eta hark hartuko ditu bere gain dauden funtsak.

Bazkideekiko eta besteekiko elkarte-betebeharrak bete ondoren, geratzen den elkarte-ondarea, geratzen bada behintzat, irabazi-asmorik gabeko erakunde bati edo irabazi-asmorik gabeko ekimenei bati eman beharko zaio.

LEHEN XEDAPEN IRAGANKORRA

Eraketa-aktan behin-behingo izendatuak agertzen diren Zuzendaritza Batzordeko kideek egiten den lehenengo batzar orokorraren esanetara jarri beharko dute beren izendapena.

AZKEN XEDAPENA

Estatutu hauek garatzeko asmoz, Batzar Orokorrak barne-araudia onartu ahal izango du, baina horrek inolaz ere ez ditu Estatutuetako aginduak aldatuko.